



## **KENYATAAN / SIARAN AKHBAR**

Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
Tel: 03-88877033 Faks: 03-88811008

### **SUMBANGAN KHAS HAJI MUASASSAH CERIAKAN BAKAL JEMAAH HAJI DI WILAYAH PERSEKUTUAN PUTRAJAYA**

**PUTRAJAYA, 20 Mei 2024** – Majlis Penyampaian Sumbangan Khas Haji Muasassah Peringkat Wilayah Persekutuan Putrajaya Tahun 2024/1445H yang berlangsung di Dewan Seri Melati, Kompleks Perbadanan Putrajaya pada hari ini, telah disempurnakan oleh YB Dr. Zaliha Binti Mustafa, Menteri di Jabatan Perdana Menteri (Wilayah Persekutuan). Program yang julung kali diadakan oleh Jabatan Wilayah Persekutuan (JWP) dengan kerjasama Perbadanan Putrajaya (PPj) ini adalah merupakan sebahagian daripada program sumbangan melalui inisiatif Ihsan @ PUJI bagi menyantuni warga Wilayah Persekutuan yang telah dijemput sebagai Duyufurrahman.

Penyampaian sumbangan kepada bakal jemaah haji ini bertujuan untuk meringankan beban perbelanjaan bagi penyediaan kelengkapan ke tanah suci. Selain itu, ianya diharap dapat memupuk nilai kasih sayang dan keprihatinan melalui perkongsian rezeki sekaligus memberikan keceriaan kepada bakal jemaah haji. Pelaksanaan program ini juga mampu mengeratkan hubungan silaturrahim dan jalinan ukhuwah yang kukuh di antara pemimpin masyarakat dan komuniti setempat.

Seramai 579 warga Putrajaya yang bakal menunaikan ibadah fardu haji pada tahun ini akan menerima sumbangan sebanyak RM500.00 setiap seorang dengan jumlah keseluruhan sumbangan sebanyak RM289,500.00. Senarai penerima adalah berdasarkan maklumat yang diperolehi daripada Lembaga Tabung Haji.

Secara keseluruhannya, program ini akan menyantuni seramai 2,204 penerima sumbangan dari ketiga-tiga Wilayah Persekutuan dengan melibatkan peruntukan sebanyak RM1.102 juta.

  
b.p. (TPr. **NORZITA BINTI ABDUL RAZAK**)  
**Pengarah**  
**Bahagian Komunikasi Korporat**  
b.p. Presiden Perbadanan Putrajaya  
Tarikh: 19 Mei 2024

---

Keterangan lanjut berhubung siaran media ini, sila hubungi Pegawai Media PPj, Encik Mohamad Rohaizat bin Kasman di talian 017-3132590 dan Puan Haryani binti Kaulan di talian 019-3831564